



Plata dla Ploania La Pli de Mareo Santa Maria dal Bun Consei

Ploian: Signor Heinrich Perathoner
E-mail: ploania@gmx.netCalogna AI Plan: 0474 501006
Radio de Ploania: 93,00 Mhz

Ann C

07.02.2016 - 5. domegna ia por l'ann

n. 11

- **I orun perió düc anfat la oraziun da Fatima:**
“**O Gejú**, pardona a nos nüsc picés, straverdesse dal fù dal lonfer, condüj al ci dōtes les animes, dandadōt cheres co á le plü debojügn de töa misericordia.”
“**O Gesù**, **perdona** le nostre colpe, **preservaci** dal fuoco dell'inferno, **porta** in cielo tutte le anime, specialmente le più bisognose della **tua** misericordia.”
- **Corones por i defunc** – integraziun dla comunicaziun sön plata n. 10: **les corones ven samben dites a düc!** Porchel: sce la porsona defunta é maridada o á complí y 35 agn él i **Ei** o les **Eres** co dij dant, sce la porsona defunta é en jon/na jona nia maridé/maridada cina 35 agn la **Joneza**.
- **Pelegrinje ala Porta Santa** dal Dom da Porsenú, sabeda ai 23 d'aorí: les **prenotaziuns por la ploania d'La Pli** ven tutes sö da maestra Brigitte: en **sabeda ai 20**, en **domegna ai 21**, en **dedolönesc ai 23** y en **domegna ai 28** de forá, dagnora na mesora dó messa te calogna bas ete. Pla prenotaziun él ince da paié 25,00 € por iade y marena.
- **Ofertes** – tal pröm mez ann 2016 **mess gní menades demez** cōstes ofertes:
28.02. patronat-KVV **03.04.** fonds de soliadrieté dal clero
06.03. Kassian-Tschiederer Werk **10.04.** l'Université Catolica de Milan
25.03. oferta de Carsema “Misereor” **26.06.** obolo de San Pire
Dōtes les atres romagn ala dljia.

1 enformaziuns y termins

Biblioteca/1: al ven chirí volontars por les biblioteches Sas dla Crusc por de vigne sort de laurs: empresté fora libri, dé informaziuns, jüc y pastelné con mituns, mantigní l'ordin dla biblioteca. Sce t'as interés anziete te biblioteca a La lla ☎ 0471 844697, e-mail: laila@biblioteches.it.

Biblioteca/2: la biblioteca „Angelo Trebo“ adöm al Zenter Families Mareo organiseia na sera da s'la cunté por ingleje. Ince sce an sa püch le lingaz, eson empó bel enviés. An s'encunta en jöbia ai 11 de forá ales 20:00, te biblioteca d'AI Plan.

**Nella società di oggi, in cui il perdono è così raro,
la misericordia è sempre più importante.**

Papa Francesco

Döt le bun a: Elisabetta Ploner Forer, *Bronech* * 09.02.1941
Rosina Pedevilla, *Bornech* * 09.02.1941
Marianna Erlacher ved. Pedevilla, *AI Plan* * 10.02.1918
Tone Erlacher * 11.02.1930
Signor ploian Heinrich Perathoner * 11.02.1941
Eduard Rovara * 12.02.1936
y a düc chi co á santennom y complesc i agn cōst'edema

Impressum: Ploania d'La Pli; redaziun Franz Rigo y Edith Willeit
Comunicaziuns cina al **dedemesaledema** sera a Franz Rigo: ☎ 0474 500978 o ✉ ploania@gmx.net
Download plata: www.unitepastorala.org o ince www.comun.mareo.bz.it

Chelbeldio cherda porsones

📖 **Is 6, 1–2a.3–8 | 1 Cor 15, 1–11 | Lc 5, 1–11**

Dal Vangelo do San Lúca:

[...] ⁵Sciomun ti á respognü: Maester, i án lauré dōta la net y i n'án pié nia. Mo sön töa parora sciürarái fora les reis. ⁶Cōsc á fat, y ai á pié n te' gröm de pesc, che söes reis manaciá da se scarzé. ⁷Porchel ti á fat segno ai compagns tal'atra barca, ch'ai gness y i daidass. Ai é gnüs, y deboriada á emplí entrames les barches cina al ur, ch'ares manaciá da jí sot. ⁸Canche Sciomun Pire á odü cōsc, s'ál peté jö dan i p̄sc de Gejú y á dit: Signur, va demez da mé; i sun n piciadú. ⁹Deache el y düc sü compagns ea restés emprescionés y spordüs da odei tan de pesc ch'ai á pié; ¹⁰avisa ensciö ti éra ince jüda a laco y a Jan, ai fis de Zebedeus, co laurâ deboriada con Sciomun. Spo ti á Gejú dit a Sciomun: No te teme! Da sen ennant piaraste jont. ¹¹Y ai á trat les barches sön spona, á lascé endô döt cant y ti é jüs do.

I ponsun do

Gejú cherda porsones a colaoré. Tres le miraco dla pescia grandioja ti dá Gejú la sigürté che so laur portará früc demorveia. Con parores y sorvisc porta i pröms discepui de Gejú pro – y con le passé dai secui cotan de eres y ei tla dljia – che en gröm de jont s'abini encer Gejú.

I periu

Dio onipotent, to s'as cherdé a to sorvisc. Deidesse ester de der testimoni de töa bona noela. Por Crist, nosc Signur.

Wilhelm Egger “Sonntagsbibel”

Signor Heinrich,

i Se fajun les miús aodanzes por i 75 agn che i complís en jöbia ai 11 de forá. Iolan por döt ci ch'i eis fat, fajeis y fajareis por nosta comunité y i Ves aodun ennant la benedisciun de Dio. Döta la comunité é enviada a na messa de rengraziamont por nosc ploian, en jöbia ales 19:30.



📖 **Letöres dla pröma domegna de Carsema | domegna dla dljia te ciasa:**

Deut 26, 4–10 | Rom 10, 8–13 | Lc 4, 1–13

Edema liturgica dai 07.02. ai 14.02.2016

DOM 07.	5. domegna ia por l'ann - Dé dla vita <i>Richard, Eugenio</i>
08:30	gran messa por döta la ploania y funziun dal mens a Santa Maria <i>oferta por i debojügn dla ploania</i>
14:00	funziun de ringraziamont dla vita y benedisciun dai pici mituns 10 y 18 <i>s.m. a Al Plan</i>
Lön 08.	<i>Hieronimus Ämiliani, Josefina Bakhita, Filip</i> 07:30 <i>s.m. a Al Plan</i>
Ded 09.	<i>Apolonia, Lambert, Julian, Alexia, Anna Katharina</i> 07:30 s.m. por +ti Daverda, La Sala y por + Paul Crazzolara s.m. por +ti Kehrer dal Tistler
Dem 10.	CAPIUN, al met man le temp de Carsema <i>Scolastica, Wilhelm, Bruno</i> dé de jain y astinonza dla cern 18:00 <i>s.m. con imposiziun dal cender a Al Plan</i> ► 19:30 s.m. por les Püres Animes s.m. do intenziun, benedisciun y imposiziun dal cender
Jöb 11.	memoria de Santa Maria da Lourdes - dé mondial dai amarés <i>Anselm, Teodora</i> 19:30 s.m. de ringraziamont por i 75 agn de signor ploan s.m. dai scolari dla mesana do int. dla fam. Siegfried y Rita Burchia
Ven 12.	<i>Gregor II, Benedet – astinonza dla cern</i> 19:30 funziun con Les Staziuns
Sab 13.	<i>Adolf, Gisela, Jordan</i> 18:00 <i>s.m. prefestia a Al Plan</i> 19:30 s.m. prefestia por + Vittoria Pedevilla Ellecosta, La Pli s.m. por +ti Jan y Valeria Ellecosta, Gogn
DOM 14.	Pröma domegna de Carsema <i>Ziril y Metode (Patrônns d'Europa),</i> domegna dla dljia te ciasa <i>Valentin</i> 08:30 gran messa por döta la ploania <i>oferta por i debojügn dla ploania</i> ► 19:00 les ciampanes envieia al'oraziun te familia 10 y 18 <i>s.m. a Al Plan</i>
<i>ampola:</i>	por fam. Mühlmann, Baldesse
<i>ministronc:</i>	► da doman y domegna: Jacklyn Clara y Sophia Rigo ► da sera y domegna: Denis Trebo y Armin Winkler
<i>i recordun:</i>	Florian Taibon + 15.02.2006



Benedisciun dai mituns

Signur, benedesc i mituns che tö nes as scinché. Ensegnesse da daurí sü edli por odei döt ci co é bel, so spirit por döt ci co é vej, so cör por döt ci co é bun. Stái dlungia y straverdi sön le tru de söa vita. Miú co nos, ciara de ei, y toli sö desco tü ffs.



Capiun

Dio misericordius, te i es dlungia a chi co s'umilieia y te i das töa pêsc a chi co s'an pó mal. Alda nostes supliches y benedesc düc chi co é gnüs a ciagé le segn dal cender. Deidesse tigní i caranta dis de penitonza tla derta desposiziun, ch'i podunse festejé Pasca con n cör renové. Do cösc te periunse, por Crist, nosc Signur. Amen.

I Sacramonc cuntés ai mituns (3)



Chelbeldio se dá la poscibilité da meterman da nö
Le sacramont dla penitonza

Valiade se destacunse da Chelbeldio, deache i se comportun mal önn con l'ater, i ponsun ma a nos enstesc, i se desmonciun dai atri, fajun dal mal y nia dal ben. I refodun ensciö i atri y ince Chelbeldio.

Al ô ester trep coraji da dé ota, mo Chelbeldio nes ven adancuntra y o nes dé en scomenciamont nö.

Tla confesciun podunse reconesce nosta colpa. Le preo se dá tres Chelbeldio le pordonn y preia: "Chelbeldio, Pere misericordius á con la mort y ressozeziun de so Fi reconzilié le monn y mené le Spirit Sant a pordené i picés. Tres le sorvisc dla dljia te dál pordonn y pesc. Ensciö te lasci do tü picés."

Chelbeldio se dij a nos ci ch'i oresson aldí da vigne porsona: "I t'azeti ensciö desche t'es!" Chelbeldio ô ch'i pordenunse ince nos ai atri.



Vita de ploania y de paisc

o Informaziuns dal grup de liturgia – funziuns de Carsema:

lönesc y dedemesaledema é ponsés desco dis d'oraziun te ciasa: les families dla ploania é enviades da formé ensciö na comunité spirituala d'oraziun; la **messa dla jöbia** sera sará endô por i scolari dla mesana: ei sorantól les letöres y les supliches;

le **vendres** vegnel tigní ales 19:30 na **funziun con Les Staziuns**;

l'edema dai 15 ai 19 de forá sará signor ploan demez: al gnará porchel dit le dedolönesc Les Staziuns y la jöbia sarál ales 19:30 na funziun de Carsema; la **cuinta domegna da Carsema** (ai 13 de merz) sarál desco vign'ann, ales 19:30, la **"Via Crucis"** dles Uniuns;

I dis dles Pissies da Pasca gnará ciamó lascés alessei.